

Održan sastanak o projektima zemljišne administracije u Kiseljaku

16.04.2026 13:11



Dana 16. aprila 2026. godine u prostorijama Opštinskog suda u Kiseljaku održan je radni sastanak predstavnika Opštinskog suda, Opštine Kiseljak, Federalne uprave za geodetske i imovinsko-pravne poslove te Kantonalne uprave za geodetske i imovinsko-pravne poslove SBK.

Na sastanku su analizirane dosadašnje aktivnosti na realizaciji projekata zemljišne administracije, s posebnim osvrtom na uspostavu i zamjenu zemljišne knjige na osnovu podataka novog premjera. Istaknuto je da su trenutno u toku pripreme aktivnosti za prenos i uspostavu zemljišne knjige za k.o. Višnjica. Nakon toga planiran je prenos i uspostava, odnosno zamjena zemljišne knjige za k.o. Kiseljak, za koju je

postupak izlaganja podataka završen u martu 2026. godine, te su podaci stavljeni u službenu upotrebu u katastru.

Opština Kiseljak započet će i aktivnosti vezane za uspostavu katastra komunalnih uređaja, čija je realizacija planirana u skorijoj budućnosti.

Obje strane izrazile su zadovoljstvo dosadašnjom provedbom projekata u okviru sektora zemljišne administracije na području opštine Kiseljak, te su usaglašeni daljnji koraci i aktivnosti u provedbi navedenih projekata.